

明

紀

(上)

223776



中華書局印行

明紀

四部備要

史部

上海中華書局據江蘇書局刻本校刊

桐鄉 陸費達 總勘
杭縣 高時顯 輯校
吳汝霖
杭縣 丁輔之 監造

版權所有 不許翻印

明紀卷第三十

賜進士出身工部候補主事虞衡司行走陳鶴纂

卹贈知府銜給雲騎尉世職內閣候補中書孫男克家參訂

世宗紀三

起嘉靖八年己丑訖嘉靖三十二年癸巳凡五十五年

八年春正月己亥振山西災致仕大學士石珪卒諡文隱王守仁既卒桂尊奏其擅離職守帝大怒下廷臣議等言守仁事不師古言不稱師欲立異以爲高則非朱熹格物致知之論知衆論之不子則爲朱熹晚年論定之書號召門徒互相倡和才美者樂其任意庸鄙者借其虛聲傳習轉訛背謬彌甚但討捕羣賊禽獲叛藩功有足錄宜免追伯爵以章大信禁邪說以正人心帝乃下詔傳世襲卹典俱不行給事中周延爭之謫太倉州判二月癸酉吏部尚書桂尊兼武英殿大學士預機務丁丑振襄陽饑知州金輅謫戍郭勛納其賂遣人篡取之指揮王臣不予縛臣以歸掠取其賄事覺罷勛營務奪保傅官階刑部尚書高友璣在告侍郎許璣等以獄情請帝憐勛論毋刑輅等輅等遂不承璣請如常訊具得勛納賄狀乃再奪其祿友璣尋坐畏縮被劾去璣進之子也魯府輔國將軍當潰請以父子應得祿米佐振因勸帝法祖宗重國本裁不急之費息土木之工詞甚愷切帝嘉其意特救褒之不聽辭祿輅朝八千騎乘冰犯寧夏總兵官杭雄副總兵趙鎮禦之前鋒陷伏中雄等皆敗王璣劾之奪官閑住雄敗戰嘗以數騎行邊敵至乃下馬橫鞍爲壘跪而射之敵退解衣腋凝血乃知中飛矢少役延綏巡撫行臺既責每至臺議事不敢正席坐曰此當年役所也戶部尚書梁材言臣考去年所入止百三十萬兩而所出至二百四十萬加催徵不前邊費無節凶荒又多奏免國計安所辦詳求弊端一宗藩二武職三冗食四冗費五通負乞集廷臣計畫條請於是宗藩武職各議上三事其他皆嚴爲節帝命武職閑住者仍給半俸餘悉報可經費大省

甲申旱禱於南郊乙酉禱於社稷給事中王汝梅言比來章奏多逢迎請分別忠佞毋信諛言大臣奏事近多留中請悉付之公論人主之學詞命非所重今一事之行動煩宸輟亦少褻矣宜倣祖宗故事時御平臺召見宰執面決大議既省筆札之勞且絕壅蔽之害忤旨切責劉世揚言在獄繫囚及建言謫戍諸臣怨咨之氣上干天和請悉疏釋帝不能用升山西潞州爲潞安府置長治縣爲府治又分潞城縣置平順縣屬之三月丙申朔葬悼靈皇后於槨兒峪梓宮出王門百官一日臨王汝梅諫不聽兵部尚書李承勛言朝廷有大政及推舉文武大臣必下廷議議者率相顧不發一言宜及未議前備條所議布告於議者俾先稔其故然後平心商質各盡所懷議苟不合聽其別奏庶足盡諸臣之見而所議者公帝然其言下詔申飭國子監祭酒陸深言講官撰進奏章閣臣不宜改竄又乞於訓詁之外凡天下政事得依經比義條悉以聞桂尊等惡之謫延平府同知工部四司財物悉貯後堂大庫司官出納多侵漁劉麟請特除一即官主之帝稱善因賜名節慎庫中官麥福請盡徵牧馬草場租梁材不可從之帝從李承勛言召伍文定還命提督京營文定至湖廣乞省祭歸四川巡按御史戴金言叛會稱亂之初勢尚可撫而文定決意進兵一無顧惜飛弩輓輿糜數十萬及有詔罷師尚不肯已又極論土酋阿濟等罪軍民訛言幾復生變臣愚以爲文定可罪也又言亡部改流之議諸司咸執不可王軌徇程洸邪說違衆獨行致疆場不靖乃勒文定斬致仕文定忠義自許欲爲國伸威爲議者所旁撓廟堂事務姑息故功不克就河南大饑潘墳駁諸請振文牒候勘實乃發河南府知府范德不待報輒開倉發粟全活者數十萬民德而頌之墳怨聲大起流聞禁中帝切責戶部及撫按置災狀損惶恐引罪且歸罪於德遂爲張經等所劾詔罷墳永不敘用夏言最上平賊功墳爲首但費銀幣而已夏四月考選庶吉

士楊一清列上唐順之等二十人請命官教習得旨以庶吉士之選祖宗舊制誠善邇來大臣徇私選取市恩立黨於國無益遂改順之等爲主事等官并限翰林之額侍讀侍講修撰各三員編修檢討各六員著爲令時張璠霍韜爲考官順之等以大禮之議爲非不肯趨附璠又欲傾一清故以立黨之說進而故事遂廢代王充燿言懿王當祔廟而自始封至今已盈五廟之數請定祧廟制禮部尙書李時等請始封百世不遷以下四世而祧藏主始祖之室歲暮則出而合祭從之先是侍郎王軌清勦戚莊田言宜量等級爲限梁材言成周班祿有土田祿由田出非常祿外復有土田也今勦戚祿已踰分而陳乞動千萬請申禁之自特賜外量存三之一以供祀事帝命並清已賜者額外侵據悉還之民畿輔屯田自正統間以食事督理權輕屯政日弛材請仍用御史御史郭宏化言天下土田視國初減半宜通行清丈材恐紛擾請但敕所司清釐籍難稽者始履畝而丈帝悉從之同安縣儒生李如玉詣闕上所註周禮會要十五卷得旨獎賜冠帶六月夏言請循弘治故事命吏兵二部每季開兩京府部堂上文武方面官履歷及舉劾賢否略節奏覽命著爲令探木侍郎黃衷事竣歸家乞致仕未許緝事者奏衷潛入京師帝怒奪衷職給事中魏良弼言衷大臣入都豈能隱乞正言者欺罔罪不報前大學士楊廷和卒年七十一子慎聞計奔告歐陽重請於朝獲歸葬葬訖復還自是或歸四川或居雲南會城或留戍所大吏咸善視之京師民張福訴里人張柱殺其母東廠以聞刑部坐柱死不服福姊亦泣訴官謂母福自殺之其鄰人之詞亦然詔郎中魏應召覆按改坐福東廠奏法司妄出人罪帝怒秋七月甲午朔丁應召歸衣衛獄右都御史熊浹是應召議執如初帝愈怒號浹職給事陸燾劉希簡等之帝大怒並下燾希簡獄許璣等遂抵柱死應召及福之鄰人俱充軍杖福姊百燾希簡各杖三十釋還職時帝方探疾孝宗

武宗后家桂實武宗后家夏氏僕故必欲殺之人以爲冤劉麟書上節財十四事狀內府諸監局冒破錢顯陵工竣執役者咸觀官麟止擬實中官及羣小咸怨會帝納諫官官停中外雜派工役麟牒停浙江蘇松織造而上供袍服在停中中官吳勳以爲言遂勒麟致仕麟清修真節當官不撓居工部爲朝廷惜財謹費僅踰年而罷江陰賊侯仲金等作亂夏言請設鎮守江淮總兵官已而寇平罷總兵不設真人張彥穎知帝好神仙遣其徒十餘人乘傳詣雲南四川採取遺經古器進上方且以蟒衣玉帶遺鎮守中官歐陽重劾之不問韃靼犯靈州王璉督游擊將軍梁振等邀斬七十餘人尋集諸道精卒二萬按行塞下寇聞從帳遠遁諸軍分道出縱野燒燬兵而還桂尊入內閣亦與一清不相能一清屢求去且言今持論者尙紛更臣獨主安靜尙刻覈臣獨主寬平用是多齟齬願避賢者路帝復溫旨褒之給事中孫應奎並論一清專及張璠請鑒別三臣賢否詆尊最力帝令尊徐宿愆全君臣終始之義尊大懼疏辨與一清璠皆乞休帝報尊曰卿行事須勉徇公議庶不負前日忠尊益懼給事中王準劾璠私參將陳璘尊舉私人李夢鶴爲御醫璠再疏乞休詞多陰詆一清帝猶溫旨慰諭八月丙子陸燾言璠專凶險之資乖僻之學罔上逞私專權納賄尙書王璉正德朝交結權侍濁亂海內尊受其賂遺鉅萬連章力薦璠從中主之遂得起用昌化伯邵杰本邵氏養子尊納重賄竟使奴隸小人濫膺封爵尊所厚晉官李夢鶴假託進書實錄受職居室相鄰中開便戶往來常與尊家人吳從周序班桂林等居間行賄又引鄉人周時望爲選郎交通醫署時望既去胡森代之森與主事楊麟王激皆其鄉里親戚也典選僅踰年引用鄉故不可悉數如致仕尙書劉麟其中表親也侍郎嚴嵩其子之師也食都御史李如圭由按察使一轉徑入內臺南京太僕寺少卿夏尙朴爲知府期月遂得清卿禮部員外郎張敬假膠律而結知御史

戴金承風搏擊甘心鷹犬皆尊烟黨相與朋比爲奸者也尙書李時
柔和善逢猶狡多智南京侍郎王綰曲學阿世虛談眩人諭德彭澤
黃緣改秩躡玷清華皆陰厚於璫而陽附於尊者也璫等威權既威
黨與復多天下畏惡莫敢訟言不亟去之凶人之性不移將來必爲
社稷患奏入帝大感悟立奪璫官以尙書致仕璫亦罷政列璫等罪
狀詔羣臣略言其自用自恣負君負國而尊爲尤甚法當置刑典特
寬宥之遂下璫等法司以案不早發與進亦皆下獄時有詔採
珠兩廣巡撫都御史林富言五年採珠之役死者五十餘人而得珠
僅八十兩天下謂以人易珠恐今日雖以人易珠亦不可得給事中
王希文言雷廉珠池祖宗設官監守不過防民爭奪正德間逆賢用
事傳奉採取流毒海濱陛下御極草珠池少監未久旋復驅無辜之
民蹈不測之險以求不可必得之物非聖政所宜有不聽壬午始
親祭山川著爲令劉世揚等盡劾張璫桂萼之黨章下吏部方獻
夫奏留黃綰等二十三人黜編修金瑬御史儲良才等八人法司訊
李夢鶴等皆首服霍乾據臂曰張桂行勢且及我遂上疏力攻楊一
清言陸粲之疏一清實嫉之并言一清受張永蕭敬賄一清再疏辨
乞罷劉希簡言璫去位由聖斷且使犬謂之嫉韜以言官比之犬
侮朝廷帝下希簡獄謫粲貴州都鎮驛丞王準富民縣典史璫行抵
天津命行人齎手敕召還九月癸巳朔復入閣韜攻一清益急且言
法司承一清風旨構成罪帝果怒令法司會廷臣雜議出刑部尙
書周倫於南京郎中以下皆奪職以許讚代倫讚乃實璫言夢鶴
等假託行私與璫無與請削一清籍詔削夢鶴桂林籍抵吳從周罪
復奪散官令一清自陳璫三上密疏引一清贊禮功乞賜寬假帝愈
疑一清癸丑命致仕去璫爲首輔免兩畿河南被災稅糧振江西
湖廣饑冬十月癸亥朔日有食之刑部員外郎邵經邦言茲者
正陽之月有日食之異實諸小雅十月之篇變象懸符說詩者謂陰

壯之甚由不用善人而其咎專歸皇父然則今之調和變理者得無
有皇父其人乎適陛下納陸粲言命張璫桂萼致仕尋以璫議禮有
功復召輔政人言籍籍陛下莫之卹也乃天變若此安可勿畏夫議
禮與臨政不同議禮貴當臨政貴公正皇考之徽稱以明父子之倫
禮之當也若夫用人行政則當辨別忠邪審量才力與天下之人共
用之今陛下以璫議禮有功不察其人不揆其才而加之大任是私
議禮之臣也私議禮之臣是不以所議者爲公禮也夫禮惟至公乃
可萬世不易設近於私則固可守也可可變也陛下果以尊親之典
爲至當而欲子孫世守之乎則莫若於諸臣之進退一付諸至公
優其資子全其終始以答其議禮之功而博求海內碩德重望之賢
以弼成正大光明之業則人心定天道順使萬年之後廟號世宗子
孫百世不遷顧不偉歟如徒加以非分之任使之履盈蹈滿犯天
人之怒亦非璫等福也帝大怒立下鎮撫司拷訊獄上請送法司擬罪
帝曰此非常犯不必下法司遂謫成福建鎮海衛經邦之戍所閉戶
讀書與豐熙陳九川時相討論居鎮海三十七年更赦不原及卒福
建人立寓賢祠祀三人安昌伯錢維圻卒庶兄維垣請詞爵方獻
夫言外戚之封不當世及帝以爲然己巳命魏定二公彭城惠安二
伯襲封如故餘止終本身著爲令維垣遂不得襲以錦衣終維垣承
宗之子也雲南鎮守太監杜唐與沐紹勛相比如奸利長吏不敢
問羣盜遂起歐陽重言盜率唐紹勛莊戶請究主者又奏紹勛任千
戶何經廣誘奸人奪民產唐役占官軍歲取財萬計因極言鎮守中
官宜革帝頗納其言頻下詔飭紹勛命唐還京待勘二人懼且怒遣
人結張璫謀去重會重奉命清異姓冒軍弊都司久未報給饟後期
唐等遂嗾大衛軍譁於軍門巡按御史劉果以聞劾重及唐紹勛處
置失當璫從中主之解重職責果黨庇調外任唐紹勛不問夏言等
言以軍士一譟罪撫按紀綱謂何况重奉詔非生事果言唐紹勛罪

與重等今處分失宜無以服天下頃年士卒驕悍相效成風類以月糧借口如甘肅大同福州保定事變屢見失令不治他日當事之臣以此爲諱事務姑息孰肯爲陛下任事哉願曲宥一臣全朝廷之體帝怒奪言等俸重罷歸在道聞御史王化勅其爲桂尊黨不勝忿抗疏陳辨請錄大禮大獄被逐諸臣而自乞禪職又言得紹勛所遺百戶丁鎮私書知行賄張璠乞其覆護璠奸佞不宜在左右璠疏辨帝以重失職怨望黜爲民重以臬被謫官等奪俸皆由己致之復疏乞重譴代言官罪帝益怒以已除名置不問林富言田州界居南寧泗城交通雲貴交趾爲備非一不宜改設流官請罷田寧府爲田州而廢鳳化縣移南丹衛於上林之三里仍屬南寧府從之推官蔡存遠以其父清所著易四書蒙引進於朝詔爲刊布十一月御史劉安言人君貴明不貴察察非明也人君以察爲明天下始多事矣陛下臨御八年而治理未臻識者謂陛下之治功損於明察大治可以緩圖不可以急取可以休養致不可以督責成以急切之心行督責之政於是躬親有司之事指摘臣下之失令出而復返方信而忽疑大小臣工救過不暇多有不安其位者孰能爲陛下建長久之策以圖治乎哉且朝廷者四方之極也內之君臣習尚如此則外而撫按守令之官風從響應上以苛察繩下以苛察應恐民窮爲起盜之源食寡無強兵之理今明天子綜核於上百執事振刷於下叢蠹之弊十去其九所少者元氣耳伏望大包荒之量重根本之圖略繁文而先急務簡細故而宏遠猷不以一人之毀譽爲喜怒不以一言之順逆爲行止久任老成優容言官則君臣上下一德一心人人各安其位事事各盡其才雍熙太和之治不難見矣帝聞疏大怒遽赴錦衣衛拷訊給事中胡堯時救之并逮治獄具請堯時收縣主簿安餘干縣典史史館儒士蔡圻疏頌桂尊功請召之庚子賜敕令撫按官趣上道尊未至監生錢潮等復請趣尊帝怒曰大臣進退公麼敢

與聞耶并圻下吏劉世揚偕趙漢等陳修省八事言大學士石瑋貞介殺未易名尙書李鐸國之盜臣身後遺金得證給事中鄭一鵬坐論楊一清再杖削職一清敗一鵬官復官張璠惡世揚并惡一鵬因言瑋前已賜諡給事言皆妄帝怒謫世揚江西布政司照磨傳漢等俸錢亦奪諡甲辰振浙江災戊申禱雪己酉雪丁巳親詣郊壇告謝百官表賀十二月韓輅寇大同朔州廷推以左都御史王憲總督宣大憲不肯行曰我甫入中臺何見驅亟也夏言謂李承勛曰事急公當請行承勛亦不請言遂與中官趙廷瑞勸憲託疾避難并劾承勛憲竟罷歸詔養病三年以上不赴都者悉落職閒住帝既定尊親禮慨然有狹小前人之志張璠夏言用事成好更張李時長禮部所建諸典禮率俟他人發端而傳會成之或廷議不合卽具兩端待帝自擇終未嘗顯爭帝愛其恭順九年春正月言疏言耕桑之禮不宜偏廢帝乃敕禮部古者天子親耕后親桑以勸天下自今歲始朕親祀先農皇后親蠶其考古制具儀以聞璠等請於安定門外建先蠶壇霍輅以道遠爭之戶部亦言安定門外無浴蠶所西苑有太液瓊島之水考唐制親蠶在苑中請做行之帝謂唐人因陋就安不可法時等乃請鳳輦由東華玄武二門帝從其言命自玄武門出丙午作先蠶壇於北郊諭禮部天地至尊次則宗廟又次則社稷今奉祖配天又奉祖配社此禮官之失也宜改從皇祖舊制太社以句龍配太稷以后稷配乃以更正配位禮告太廟及社稷藏二配位於寢廟丁巳振山西饑莫登庸禪位於方瀛改元大正自稱太上皇移居都齋海陽爲方瀛外援作大誥五十九條頒之國中二月戊辰耕藉田帝嘗問張璠書孝經天帝異名朱子謂祭之壇謂之天祭之屋下謂之帝今大祀殿有屋非祭天之禮且皇地祇合祭一處亦非專祭上帝璠以大祀殿下壇上屋卽圜丘明堂爲對帝謂二至分祀萬代不易之禮大祀可擬明

堂不可爲圖丘。璣乃備述周禮及宋陳襄蘇軾劉安世程頤所議分合異同以對。且言祖制已定無敢輕議。帝銳欲定郊制。卜之奉先殿。太祖前不吉。問翟鑾鑾具迷因革以對。又問李時時請少需日月。博選儒臣議復古制。帝復卜之。太祖不吉。議且寢。會夏言議舉親蠶禮與南北郊之說合。因諭令陳郊議。言乃疏言國家合祀天地及太祖太宗之並配。諸壇之從祀。舉行不於長至而於孟春。俱不應古典。宜令羣臣博考詩書禮經所載郊祀之文及漢宋諸儒匡衡劉安世朱熹等之定論。以及國初分祀之舊制。陛下稱制而裁定之。此中興大業也。王汝梅等詆言說非是。帝切責之。乃敕諭禮部令羣臣各陳所見。時詔書斥異議者爲邪徒。南京御史馮恩言明詔令直諫。又詆之爲邪徒。安所適從哉。此非陛下意必左右奸佞欲信其說者。陰詆之也。今士風日下。以緘默爲老成。以譁譟爲矯激。已難乎其忠直矣。若預恐有異議而逆詆之爲邪。則必雷同附和而後可也。况天地合祀已百餘年。豈宜輕改。皇后深居九重。豈宜遠出郊野。願速罷二議。毋爲好事希寵者所誤。恩草疏時。自意得重譴。及疏奏。帝不之罪。恩於是益感奮。丁丑禁官民服舍器用踰制。行人楊爵使王府還上言。臣奉使湖廣。睹民多菜色。挈筐操刀。割道殍食之。假令周公制作盡復於今。何補老羸饑寒之衆。奏入。被俞旨。三月。張璣錄上郊祀考議一冊。翟鑾言分祀之說。惟見周禮莽賊僞書。不足引據。夏言言周禮一書。於祭祀爲詳。故宋儒葉時謂郊丘分合之說。以周禮爲定。漢之前皆主分祭。而漢之後亦間有之。宋元豐一議。元祐再議。紹聖三議。皆主合祭者。以郊費之費。每傾府藏故耳。亦未嘗以分祭爲非禮也。今之議者。往往以太祖之制爲嫌。爲懼。然知合祭乃太祖之定制。爲不可改。而不知分祭固太祖之初制。爲可復。知大祝文乃太祖之明訓。爲不可背。而不知存心錄固太祖之著典。爲可遵也。且合祭之說。實自莽始。苟周禮爲莽所僞作。何不削去圖丘方丘之制。天

神地祇之祭。而自爲一說邪。翟鑾素護前自遂。帝方責鞫。自上自恣。不敢辨。乃遺言書痛詆之。復錄其書送法司。言怒劾鞫無君上罪。并以其書進。帝大怒。下鞫都察院獄。而降重書獎言。賜四品服俸。鞫獄中上書祈哀。璣亦再申救。皆不納。於是禮部集上羣臣議。主分祭者都御史汪鉉等八十二人。主分祭而以慎重成憲及時未可爲言者。大學士張璣等八十四人。主分祭而以山川壇爲方丘者。尙書李瓚等二十六人。主合祭而不以分祭爲非者。尙書方獻夫等二百六人。無可否者。英國公張璁等一百九十八人。臣等祇奉敕諭。折衷衆論。分祀之義。合於古禮。但壇壝一建。工役浩繁。請仍於大祀殿專祀上帝。改山川壇爲地壇。專祀皇地祇。帝復諭當遵皇祖舊制。露祭於壇。分南北郊。以二至日行事。諭懋之孫也。時又議二祖配享。帝降敕諭。欲於二至日。奉太祖配南北郊。歲首奉太宗。配上帝於大祀殿。張璣翟鑾等言。二祖分配於義未協。且錄仁宗所撰敕諭。並告廟文。以進。帝復命集議於東閣。皆執前議。帝終以並配非禮。諭閣臣講求。璣等言古者郊與明堂異地。故可分配。今圖丘大祀殿同兆南郊。而冬至太宗不與。孟春太祖不與。心實有所不安。帝報曰。天惟一天。祖亦惟一祖。大報天之祀。止當以高皇帝配。文皇帝功德豈不可配。天但開天立極。本高皇帝肇之耳。如周之王業。武王實成之。而配天止以后稷。配上帝止以文王。未聞爭辨功德也。因命寢其議。已而夏言復言二祖並侑。三帝並配之非古。帝報曰。禮臣前引太廟不嫌一堂。大祀帝與享先不同。此說無當。仍命申議。禮臣言南北郊雖曰祖制。實今日新創。請如聖諭。俱奉太祖獨配。大祀殿太祖所創。而不得侑享於中。恐太宗未安。宜仍並配。從之。帝謂日月照臨。其功甚大。太歲等神歲有二祭。而日月星辰止一從祭。義所未安。遂定春秋分之祭。如舊儀。丁巳。皇后親蠶於北郊。夏四月。桂尊復入閣。芒部之役。既罷。四川巡撫都御史唐鳳儀言。烏蒙烏撒東川諸土官。故與芒部

爲脅齒自亡部改流諸部內懷不安反者數起今懷德長官阿濟等雖自詭禽賊其心固望隴勝得一職以存隴後臣請如宣德中復安南故事俯順輿情戴金及貴州巡按御史陳謙奏如鳳儀言部議從之革鎮雄流官知府以勝爲通判署府事張璠等構朱繼宗獄坐楊一清受張永第容金錢爲永詰墓又與容世錦衣指揮遂落職閒住一清聞命大恨曰老矣乃爲孺子所賣疽發背卒遺疏言身被汗磯死且不瞑帝令釋賊罪不問一清博學善權變尤曉暢邊事羽書旁午一夕占十疏悉中機宜人或嘗已反薦揚之晚爲璠等所軋不獲以恩禮終然其才一時無兩或比之姚崇云丙戌振延綏鐵帝念霍韜議禮功釋之令輪職還職五月羽林衛指揮劉永昌劾都督桂勇語侵桂尊及李承勛又劾御史廖自顯自顯坐逮已又訐兵部郎中盧襄等方獻夫請按治永昌毋令奸人以蜚語中善類帝不從獻夫遂求退帝亦不允己亥更建四郊園丘於正陽門外五里許大祀殿之南方澤於安定門外之東朝日壇於朝陽門外夕月壇於阜成門外命夏言監之總河侍郎潘希曾築徐家渡隄成未幾河決曹縣希曾言黃河由歸德至徐州入漕故道也自弘治時始塞今河復故道患害已遠支流達於河臺淺涸無虞此漕運之利國家之福帝悅召希曾還桂尊欲復海運延公卿議得失工部尙書章拯言海運雖有故事而風濤百倍於河且天津海口多淤自古不聞有濬海者議遂寢延綏之饑也夏言薦僉都御史李如圭爲巡撫吏部推代如圭者帝不用再推及言御史熊爵謂言出如圭爲己地至比之張綏帝切責爵令言毋辨而言不平許爵且辭新命帝乃止初洮岷諸番數犯臨洮鞏昌內地騷動李承勛言番爲海寇所侵日益內徙倘二寇交通何以善後乞聽王瓊便宜制置瓊乃集衆議且勦且撫先遣總兵官劉文遊擊將軍彭斌分布土馬自固原進至洮岷遣人開示禍福洮州東路木舍等三十一族西路答祿失等

十三族岷州西寧溝等十五族皆聽撫給白旂犒賜遣歸惟岷州東路若龍族西路板爾等十五族及岷州刺即等五族恃險不服乃分兵先攻若龍板爾二族覆其巢刺即諸族震懼乞降凡斬首二百六十餘級撫定七十餘族六月捷聞巡撫都御史唐澤巡按御史胡明善言甘肅軍民素苦土魯番侵暴恐瓊去相率乞臣奏留因具陳瓊功優詔獎之癸亥立曲阜孔顏孟三氏學秋七月兵部主事趙時春言陛下以災變求言已旬月大小臣工率浮詞面諛蓋自靈寶知縣言河清受賞都御史汪鋐繼進甘露今副都御史徐瓚訓導范仲斌進瑞麥指揮張楫進嘉禾鉉及御史楊東又進鹽華禮部尙書李時再表請賀仲斌等不足道鉉瓚司風紀時典三禮乃罔上欺君壞風傷政帝責其妄言且令獻謨言善策時春惶恐引咎未對帝趣之時春乃上疏言當令之務最大者有四最急者有三最大者曰崇治本君之喜怒賞罰所自出勿以逆心事爲可怒則賞罰大公而天下治曰信號令毋信一人之言必參諸公論毋徇一時之近必稽之久遠苟利十而害一則利不必興功百而費半則功不必舉如是而天下享安靜之福矣曰廣延訪宜倣古人輪對及我朝宣召之制使大臣臺諫侍從各得敷納殿陛間羣吏則以其職事召問之曰勵廉取大臣宣待以禮取大節略小過臺諫言是者用之非者寬容之庶臣工自愛不敢不勵其最急者曰惜人才凡得罪諸臣其才不當棄其過或可原宜霽然發命召還故秩且因南郊禮成除謫成之罪與之更始曰固邊圉敗軍之律宜嚴臨陳而退者裨將得以戮士卒大將得以戮裨將總制官得以戮大將則人心震悚而所向用命曰正治教請復古冠婚喪祭之禮絕醮祭禱祀之術凡佛老之徒有假引符籙依託經懺幻化黃白飛昇還景以冒寵祿者即賜遣斥則正道修明而民志定帝覽之益怒下錦衣衛獄掠治黜爲民平和知縣王祿疏請建獻皇帝廟於安陸封崇仁王以主祀不當考獻帝伯孝

宗涉二本之嫌。宗藩子有幼而岐嶷者。嘗養之宮中。備儲貳選。疏奏即棄官歸。命巡按御史逮治。亦斥爲民。張璠頭指百寮無敢與抗者。夏言自以受帝知。獨不爲下。璠乃大害言。言亦怨璠不右己。有陳抗疏言方獻夫壞選法。徙璠所惡浙江參政黃卿於陝西。而用璠所愛。竟以平代邪回之彭澤。踰等躡還太常。及他所私昵皆有迹疑。獻夫交通賄賂。疏入。帝令卿等還故官。獻夫及璠疏辨。因引退。帝重違璠獻夫意。復令卿等如前擬。孫應奎劾方獻夫私其親故。大理寺少卿洗光及彭澤等。帝不聽。趙漢言內閣桂萼。萼稱病三月。未嘗以曠職辭。張璠久任政權。亦未聞引賢共濟。乞論萼變。亟去。簡用兩京大臣。及家居者。舊以分璠任。上摘其謬字詰之。論璠毋避趣赴闕。璠因言漢忠謀。宜令備列堪內閣者。帝即令漢舉所欲用。漢惶恐言。臣欲璠引賢無私。主帝怒責漢對不以實。趣以各上。漢益懼。言輔臣簡命出自朝廷。非小臣所敢預。帝乃宥之。奪俸一月。致仕。尙書伍文定卒。八月。給事中薛甲言。劉永昌以武夫劾冢宰。張璠以軍餘勅勸臣下。凌上替。不知所止。願存廉遠堂高之義。俾小人不肆。得肆攻訐。章下吏部。方獻夫等請從甲言。敕都察院嚴禁吏民。毋得講張亂政。并飭兩京給事御史。及天下撫按官論事。先大體毋責小疵。帝方欲廣耳目。周知百僚情僞。得獻夫疏。不懌。報罷。給事中饒秀言。自劉永昌後。言官未聞議大臣。獨夏言孫應奎趙漢議及璠。獻夫耳。漢已蒙詰譴。言應奎所奏。皆用人行政之失。甲乃指爲毛舉細故。而頌大臣不已。貪縱如郭勛。亦不欲人言。必使大臣橫行。羣臣緘口。萬一有逆人廁其間。奈何。奏入。帝心善其言。下吏部再議。甲具疏自明。帝惡其不接部奏。命削二官出之外。部謂甲已處分。不復議。帝責令置對。停獻夫俸一月。郎官倍之。壬午。免江西被災稅糧。甲申。諭閣臣曰。姚廣孝佐命嗣興。勞烈具有。願保釋氏之徒。班諸功臣。脩食太廟。恐不足算。敬祖宗。李時等請移祀大興隆寺。太常春秋致祭。

詔可。九月。汪鉉請進佛郎機礮。發諸邊鎮從之。壬辰。罷雲南鎮守中官。給事中高金言。陛下臨御之初。盡斥法王國師佛子。近又黜姚廣孝配享。臣每歎大聖人作。爲千古莫及。乃真人邵元節。謀蒙殊恩。爲聖德累。望削其封號。奪其師李得晟贈祭。庶異端闢正道。昌帝大怒。立下錦衣獄拷掠。終以其言直釋之。會都御史翟鵬巡撫寧夏。邊政久弛。壯卒率占工匠。私役中官家。守邊者並羸老不任兵。又番休無期。甚者夫守墩。妻坐鋪。鵬盡清查。役使得迭更。野雞臺二十餘墩。孤懸塞外。久棄不守。鵬盡復之。會總兵官趙瑛失事。鵬劾之。爲所訐。奪職歸。方獻夫兩疏引疾。帝報允。猶虛位以俟。四郊旣建。帝命詞臣取壯武時。舊樂歌一切更改。夏言薦致仕甘肅行太僕寺丞張鶴。命趣召之。致仕兵部尙書胡世寧卒。贈少保諡端敏。世寧風格峻整。居官廉疾。惡若讐。而薦達賢士如不及。黎謫死於清華。子軍據其地。仍僭帝號。改元元和。冬十月。帝欲輯郊禮爲成書。擢夏言侍讀學士。兼吏科都給事中。充纂修官。張璠言。先師祀典有當更正者。帝以爲然。因言聖人尊天。與尊親同。今遺豆十二。牲用犢全。用祀天儀。亦非正禮。其證號章服悉宜改正。璠上疏如帝指。國子監祭酒許誥亦請撤塑像。用木主。帝命禮部會翰林諸臣議。編修徐階疏。陳易號毀像之不可。璠召階。威氣詰之。抗辨不屈。璠語塞。怒曰。若叛我。階正色曰。叛生於附。階未嘗附公。何得言叛。長揖出。斥爲延平府推官。帝乃御製正孔子祀典說付史官。璠作正孔廟祀典。或問奏之。并令禮部集議。黎黃帥同官上疏曰。聖祖初正祀典。嶽瀆諸神皆去其號。惟孔子如故。良有深意。自唐尊孔子爲文宣王。已用天子禮樂。宋真宗嘗欲封孔子爲帝。或謂周止稱王。不當如帝號。而周敦頤則以爲萬世無窮。王祀孔子。邵雍則以爲仲尼以萬世爲王。其辨孔子不當稱王者。止吳澄一人而已。且莫尊於天地。亦莫尊於父師。陛下敬天尊親。不應獨疑孔子王號爲僭。帝疑黃借此以斥追尊。

皇考非大怒詆爲奸惡下法司會訊汪鉉言官論事每挾衆以凌人請究倡議者明正其罪帝遂褫賈職王汝梅等言陛下萬幾之餘留神典禮甚盛舉也但恐生事之臣望風紛起今日獻一議明日進一說國家自此多事矣況祖宗成法守之百六十年縱使少不如古循而行之亦未爲過帝斥其違旨以祀典說示之十一月辛丑禮部會諸臣議人以聖人爲至聖人以孔子爲至宋真宗稱孔子爲至聖其意已備請改題神位曰至聖先師孔子去王號及大成文宣之稱改大成殿爲先師廟大成門爲廟門四配稱復聖顏子宗聖曾子述聖子思子亞聖孟子十哲及門弟子稱先賢某子左邱明以下稱先儒某子皆去公侯伯之號遵太祖首定國子監規制製木爲神主仍擬大小尺寸著爲定式其塑像即令屏撤春秋祭祀十邊十豆天下各學八邊八豆樂舞止六份凡學別立一祠祀叔梁紇題啓聖公孔氏神位以顏無繇曾點孔鯉孟孫氏配俱稱先賢某氏程瑄朱松蔡元定從祀稱先儒某氏從祀諸賢申黨即申棧留棧去黨公伯寮秦冉顏何荀況戴聖劉向賈逵馬融何休王肅王弼杜預吳澄罷祀林放遽瑗盧植鄭衆鄭康成服虔范甯祀於其鄉后蒼王通歐陽修胡瑗宜增入詔悉如議行又以行人薛侃議進陸九淵從祀己酉祀昊天上帝於南郊禮成大赦時有白鶴之瑞許誥獻論司業陳寶獻頌十二月給事中張裕謝存儒及馮恩並劾誥裕至比之祝欽明帝怒下裕獄謫福建布政司照磨存儒亦調邊方恩詆誥學術迂邪誥求罷帝曰恩所詆乃指前日去土偶用木主事也爾以是介意耶其爲帝眷寵如此誥進之子讚之兄也文華殿東室有釋像帝以其不經命撤去奉皇師伏羲神農黃帝帝師堯舜王師禹湯文王武王九聖南向左先聖周公右先師孔子東西向每春秋開講前一日行釋奠禮改福建南詔千戶所爲詔安縣青州儒生李時鵬請祠高拱祈聖祠帝謂高拱雖古禮今實難行已而從之初龍州知

府趙相卒州人立其子錢趙楷祇之州人又立錢族弟煥楷賂王守仁之客岑伯高言煥非趙氏裔當立者楷也守仁令上思知州黃熊兆襄之熊兆與伯高比言楷當立以州印昇楷楷遂殺煥龍州大亂州目黃安等潛住田州購趙寶實爲奴楊布家十三年矣安等行百金贖之言之當府林富謂楷勢已張毋持之急乃令楷攝職埃寶長讓之楷復時時謀殺寶富乃諭楷令以印還寶寶謝以五千金賸田三十一村楷計寶弱易與遂聽命十年春正月辛卯始行祈穀禮於大祀殿奉太祖太宗配禮畢帝諭張璁曰自古惟以祖配天今二祖並配決不可法後世嗣後大報與祈穀但奉太祖配甲午更定廟祀告於太廟世廟并祧廟三主遷德祖神主於祧廟奉安太祖神主於寢殿正中遂以序進遷七宗神位丁酉帝詣太廟行特享禮桂尊自被摧抑氣憤不敢復放恣居位數月屢引疾已致仕陳洸令人奏葉應勳獄時酷殺無辜二十六人下巡按御史李美覆勘美言死者皆有狀非故殺許贊等白應聽無罪帝特令成遠東是獄也終始八載凡攻洸與治洸獄者無不得罪逮捕至百數十人天下惡桂尊輩奸橫益言議禮臣矣先是罷歷代帝王南郊從祀及南京廟祭更建廟於都城西歲以仲春秋致祭二月丁卯以廟尚未成躬祭於文華殿帝以神祇義詢張璁令與夏言議言撰帝義一篇獻之大意謂自漢以下謬牒難考欲如虞夏之禘黃帝商周之禘帝嚳不能盡合謹推明古典采酌先儒精微之論宜爲虛位以祀帝深然之中允應道南言朱氏顯頌裔請以太祖實錄爲據帝顯頌裔禮部以言道南二疏會官詳議璁等咸謂稱虛位者茫昧無據尊顯頌裔者世遠難稽廟制既定高皇帝始祖之位當稱德祖爲正即中張岳是言議言於李時曰不如爲皇初祖位毋實以人時大喜告璁璁不謂然以初議上帝令再議言復疏論神德祖有四可疑帝并下其章諸臣乃請設虛位以稱皇初祖

南向奉太祖配西向。又請大禘三歲一行。帝自爲文告皇祖。定舉行以丙辛歲。甲戌免廬鳳淮揚被災秋糧。定祖陵曰基運山。皇陵曰翔聖山。孝陵曰神烈山。顯陵曰純德山。及天壽山並方澤從祀。張璠以名嫌御諱請更。壬午詔賜名孚敬字茂恭。御書四大字賜之。

三月改西苑土穀壇爲帝社帝稷。聖苑中隙地爲田。建亭曰幽風。倉曰恆裕。改築先蠶壇於西苑。先是大風晝晦。帝憂邊事。兵部尙書李承勛言。去歲冰台敵騎盡入河套。延軍固原。皆當警備。甘肅軍餉專仰河東。宜於蘭州羅貯以備緩急。曩河西患土番。今亦卜喇又深入。兩寇雲擾。孤危益甚。套寇出入。並經莊浪。急宜繕塞設險。斷臂截踵。使不得相合。兀良哈最近京師。不善撫卹。門庭寇。雲南安鳳之叛。軍民困敝。臨安蒙自盜賊復興。曠日淹時。恐成大患。交趾世子流寓老撾。異日歸命請援。或據地求封。皆未可測。惟急用人理財。俾邊鄙無虞。帝深嘉納。承勛沈毅有大略。帝所信任。自輔臣外。獨承勛與胡世寧大事輒咨訪。二人亦孜孜奉國。知無不言。承勛廉官四十年。家無餘貲。其議大禮與世寧合。世寧已卒。及是承勛亦卒。帝深嗟悼。贈少保。諡康惠。賚予過常典。刑部郎中李瑜言。誠意伯劉基宜侑享高廟。封世爵如中山王。達下廷臣議。會言高皇帝收攬賢豪。一時佐命功臣。並軌宣猷。而帷幄奇謀。中原大計。往往屬基。自劉鴈隕世。未裔凌替。興滅繼絕。宜在今日。詔可之。乃進基配享位六王之次。戊申罷四川分守中官。夏四月丁巳。皇后親蠶於西苑。甲子。禘於太廟。五月壬子。祀皇地祇於方澤。六月癸亥。雷震午門角樓及西華門城樓柱。罷山西鎮守中官。閏月己丑。罷浙江湖廣福建兩廣及獨石萬全永寧鎮守中官。帝習見正德宣侍之禍。即位後御近侍甚嚴。有罪撻之至死。或陳尸示戒。張佐鮑忠麥福黃錦輩。雖由與邸舊人。掌司禮監督東廠。然皆謹飭。不敢大肆。初年給事中張紳巡撫都御史劉天和等。交章請撤鎮守內臣。帝未之從。及李承勛

長兵部。復因諫官李鳳毛言。力請先後裁二十七人。及典京營倉場者。終四十餘年。不復設內侍之勢。惟嘉靖朝爲少殺云。先是詔許

大部歷事監生。發廷臣奸弊。有詹密者。許吏部侍郎徐緝下都察院。訊登語塞。已論罪。復許緝及通政陳經等。再下都察院。汪鋐力斥其妄。會彭澤欲傾緝代之。爲緝書抵張孚敬求解。復基孚敬劾緝賄。已。緝疏辨。詔法司會錦衣衛訊。許讚等卒論登誣罔。而緝行賄事莫能白。坐除名。帝嘉登能奉詔言事。竟有其罪。乙未彗星見東井。積三十四日而沒。李時請敕臣工修省。令言官指陳利害與革。帝以建言乃科道專責。寢不行。時無賴子。率持朝士陰事索賈財。妄構事端。入奏諸司。爲惕息。軍人童源計中官張永造孽。犯天壽山龍脈。復嗾其僕王謙等。發永第容違法事。奸人張雄。又爲謙等草奏。詆許讚許讚汪鋐廖道南史道及黃錦輩數十人。受容重賂。源亦上疏助之。鞠得實。源等並戍極邊。告許始少衰。致仕大學士謝遷卒。年八十三。贈太傅。諡文正。秋七月癸丑。侍郎葉相振陝西饑。夏言恃帝眷。數以事許張孚敬。孚敬銜之。言爲經筵日講官。眉目疎朗。美鬚眉。音吐宏暢。不操鄉音。每進講。帝必目屬。欲大用之。孚敬忌彌甚。未有以發。行人司正薛侃具疏言。祖宗分封子弟。必留一人京師。司香。有事居守。或代行祭饗。列聖相承。莫之或改。正德初逆。適懷貳。始令就封。乞稽舊典。擇親藩賢者居京師。慎選正人輔導。以待他日。皇嗣之生。此宗社大計。未上以示彭澤。澤與侃及言。皆同年生。而附孚敬。知帝方祈嗣。是疏觸帝諱。欲與大獄。以陷言。乃給侃囊示孚敬。因報侃曰。張公稱其善。此國大事。當從中贊之。與爲期。趣之上。孚敬乃錄侃議以進。謂出於言。請勿先發。以待疏至。帝許之。侃猶豫澤頻趣之。乃上。帝震怒。立下獄。廷鞠究交通主使者。侃備受拷掠。獨自承。累日獄不具。澤挑使引言。侃瞋目曰。疏我自具。趣我上者爾也。爾謂張少傳許助之言。何預孫應奎與同官曹汴。揖孚敬避上疏言狀。帝怒並下

言應奎汴錦衣獄命郭勛翟鑾及司禮中官會廷臣再鞠具得其實帝乃釋言等出孚敬密疏二示廷臣斥其伎罔御史譚繼端廷赦唐愈賢交章劾孚敬戊午帝諭法司令孚敬致仕侃爲民澤戊大同孚敬乃大慚去澤在朝專爲邪媚及敗天下快之辛巳鄭王厚烷獻白雀鷺之宗廟夏貞勝嘗輯其部中章奏名曰鈐司存案凡議禮諸疏具在爲警家所發下獄論杖當贖八月獄上特旨謫戍遼東三萬衛踰五年卒於戍所王福及錦衣衛千戶陳昇再請遷顯陵於天壽山李時等力陳不可巡檢徐震奏於安陸建京師時等駁其非制乃議改州爲府辛丑詔升安陸州爲承天府置鍾祥縣治焉又置顯陵縣於純德山九月乙丑西苑宮殿成設太宗位致祭宴羣臣帝見兵部尚書王時中工部尚書蔣瑤席在外命移殿內而移皇親於殿右以讓瑤曰親親不如尊賢南京御史張寅言張孚敬檢邪轟政不可悉數請追所賜封誥銀章之屬明正其辟并劾左都御史汪鉉陰賊邪媚帝怒謫高唐州判官丙寅李時兼文淵閣大學士預機務翟鑾獨相時後入以宮保官尊反居鑾上兩人皆謙遜無齟齬侍即夏言代時爲尚書去諫官未浹歲拜六卿前此所未有也時士大夫猶惡李敬恃言抗之言既以開敏結主知又折節下士大得公卿間聲帝制作禮樂多言所議時鑾取充位而已壬申帝幸西苑御無逸殿召李時坐講無逸篇翟鑾講幽風七月詩郭勛及九卿翰林皆入侍講畢帝退御幽風亭賜宴帝諭李時等以宗廟之制父子兄弟同處一堂於禮非宜太宗以下宜皆立專廟南向夏言言太廟兩傍隙地無幾宗廟重事始謀宜慎未報廖道南言文皇帝以下宜各建特廟於兩廡之地有都宮以統廟不必各爲門垣有夾室以藏主不必更爲寢廟第使列聖各得全其算陛下躬行禮於太祖之廟餘遺親臣代獻如古諸侯助祭之禮帝悅命會議言等言小其規模不合古禮臣下亦不可代主一廟之祭不可擬古諸侯卽先臣

邱濬謂宜間日一祭歷十四日而徧其說亦不可通請以木爲黃屋如廟廷之制依廟數設之設帷幄於其中庶幾展專尊之敬不報初帝惡楊廷和疑廷臣乘其黨乃用桂萼方獻夫爲吏部尚書獻夫去帝不欲授他人久不補是秋有詔召還獻夫疏辭舉梁材汪鉉王廷相自代帝手詔褒答遣行人蔡豐趣之豐及門獻夫潛入西樵以疾辭乃召王瓊代之吏部侍郎唐龍爲兵部尚書總制三邊軍務兼理振濟賈裕金三十萬以行龍奏拯荒十四事報可冬十月帝議於奉先殿丹陛上行大雩禮夏言言按左傳龍見而雩蓋已月萬物始感待雨而大故祭天爲百穀祈膏雨也通典曰已月雩五方上帝其壇名雩於南郊之傍先臣邱濬謂此禮不傳遇有旱暵輒假異端之人爲祈禱不務以誠意感格而以法術劫制誣亦甚矣臣請自祈穀以後至於四月荀雨陽時若則大雩之祭可遣官攝行如雨澤愆期則陛下躬行禱祝乃建崇雩壇於圓丘泰元門之東爲制一成奉太祖配工部郎中陸時雍言良鄉盧溝河涿州琉璃胡良二河新城雄縣白溝河河間沙河青縣滹沱河下流皆淤宜以時濬使達於海詔巡撫都御史周期雍議之十一月戊辰免陝西被災秋糧帝以皇嗣未建命邵元節建醮於欽安殿夏言爲監禮使文武大臣日再上香侍郎顧鼎臣進步虛詞七章且列上壇中應行事帝優詔褒答悉從其請詞臣以青詞結主知由鼎臣倡也舊制軍功論敘有生禽斬首當先殿後奇功頭功諸等其後濫冒日多兵部尚書王憲定軍功襲替格自承樂至正德酌其輕重大小之差臚析以上詔著之會典爲成式丁丑遣行人齎敕召張孚敬御史喻希禮言陛下祈嗣禮成瑞雪遂降臣以爲招和致祥不盡於此往者大赦今歲免刑臣民盡沾澤獨議禮議獄得罪諸臣遠戍邊徼乞量移近地或特賜赦免則和氣薰蒸前星自耀帝大怒曰謂朕得罪諸臣至遲嗣續耶所司參議以聞議未上御史石金亦言陛下下日萬幾

經理勞瘁何若中涵太虛物來順應凡人才之用舍政事之敷施始以九卿之詳度繼以內閣之諮謀其弗協於中者付之臺諫之公論陛下恭默凝神挈其綱領使精神內蘊根本充固則百斯男之慶自不期而至王守仁首平逆藩繼靖巨寇乃因疑謗派其前勞大禮大獄諸臣久膺流竄困鬱既久物故已多望錄守仁功寬諸臣罪則太和之氣塞宇宙間矣帝不悅曰金欲朕勿御萬幾即古奸臣導其君不親政之意其并奏奏夏言等言二人無他賜請帝寬恕帝益怒十二月戊子下希禮金錦衣衛獄責言等陳狀言等伏罪有之希禮金竟請戍邊衛帝召李時翟繼問都察院擬籍谷大用貨產當乎時鑾皆北人與中官合時曰所擬不中律鑾曰按律籍沒止三條謀反叛逆及奸黨耳不合三尺法何以信天下帝曰大用亂政先朝正奸黨也鑾乃曰陛下即天也春秋生殺何所不可帝卒從重擬南京御史馬敷等十人劾吏部尚書王瓊詆爲先朝遺奸帝大怒盡逮敷等下錦衣獄給事中魏良弼救之并下獄瓊言臣在正德朝敷等尚未通籍何由熟臣履歷蓋臣營陰險數等論阻請罷臣以快諸人憤帝慰喻之未幾敷等亦還職禮部主事田汝成言陛下以青宮久虛祈天建醮復普放生之仁凡騶蹄鍛詛禁在上林者咸獲縱釋顧使園囿之徒久纏徽纆衣冠之侶流竄窮荒父子長離魂魄永喪此獨非陛下之赤子乎望大廣皇仁悉加寬宥忤旨切責停俸二月十一年春正月辛未祈穀於圓丘帝有疾不能親始命郭勛攝事給事中葉洪言祈穀大報祀名不同郊天一也祖宗無不親郊成化弘治間或有故寧展至三月蓋以郊祀禮重不宜攝以人臣請蠲聖躬痊改卜吉日行禮不從大計天下庶官謫富民典史王準閑住孫應奎言汪鉉爲張孚敬修郤誣準不謹乞復準官貴鉉爲黨比戒章下吏部王瓊亦言準當黜乃謫應奎高平縣丞提督南贛都御史陶諧言守令遷太驟宜以六年爲期言官忤旨當優容養病官才力

堪任者毋終棄時馬敷等被逮而新例養病久者率不復收用故諧以爲言又奏今天下差徭煩重既有河夫機兵打手富戶力士諸役乃編審里甲復徵贖丁課及供億諸費乞皆罷免帝採納之二月戊戌免湖廣被災稅糧陽春賊趙林花陷高州府三月小王子乞通貢未得命怒遂擁十萬騎入寇唐龍請許之帝不聽龍連戰頗有斬獲時小王子最富強控弦十餘萬多畜貨貝稍厭兵乃徙幕東方稱土蠻分諸部落在西北邊者甚衆吉囊與俺答皆小王子從父行據河套雄點喜兵爲諸部長相率躡諸邊張孚敬復入閣事取獨裁李時等不敢有所評議而夏言益用事孚敬亦不能專恣如曩時矣夏四月太僕寺卿何棟治韓泮等河棟請於葉城張村至晉州築堤十八里濬泮河故道使由晉州紫城口之南入寧晉泊會衛河入海濬真定鴨沙磁三河及唐河故道築河間決口濬渾河下流淤沙以通胡良琉璃二河即中徐元祉言畿輔諸水利順天利害相半真定利多於害保定害多於利河間全受其害弘治間嘗築長堤排決口旋即潰敗今惟疏濬可施其策凡六一濬本河俾河身寬遠使諸水皆南合滹沱北合白溝一濬支河令經大清河從紫城口入經文都村從涅梁口入經白洋淀從蘭家口入經章哥窪從楊村河入以納細流一濬決河每衝量存一口復濬令合成一渠以殺湍急備淫溢一濬淀河令淀淀相通下有所洩一濬淤河占據曲防者抵罪一濬下河諸河一出青縣一出丁字沽相匣於苑家口施工必由此始並從之自後數十年水頗戢無大害辛卯封常元振爲懷遠侯李性臨淮侯鄧繼坤定遠侯湯紹宗靈璧侯元振復之會孫性璿之孫繼坤炳之子也韓府襄陵王五世同居門內雍肅養羊酒文幣起致仕工部尚書趙璜故官未上卒贈太子太保諡莊靖驗封郎中李默爲武會試同考官五月宴兵部默據賓席欲坐尚書王憲上憲勅其不遜謫寧國府同知帝復遣使召方獻夫云將別

用獻夫乃就道丙子命以故官兼武英殿大學士預機務賜銀章如故六月壬午免畿內被災秋糧甲申封劉瑜爲誠意伯廣東海寇陳邦瑞許折桂等突入波羅廟欲犯廣州爲指揮李務所奪邦瑞投水死折桂還所執指揮二人乞就撫總督侍郎陶諧居折桂等東莞編爲總甲使約束其黨五百人爲新民兵部以降賊羣聚恐乘隙爲變令解散其黨諧導檄副總兵張祐討趙林花祐深入多所斬獲忽中危疾卒軍中爲哀慟祐身長八尺智識絕人馭軍有節制與下同甘苦不營私產性好書每載以自隨軍暇卽延儒生講論嘗過烏蠻灘謁馬伏波祠太息曰歿不俎豆其間非夫也題詩而去田州人立祠橫山祀之河決魚臺方獻夫家居引體自娛監司謁見輒稱疾不報家人姻黨橫於郡中鄉人屢訴告僉事龔大綏聽之獻夫還朝屬大綏會大綏坐事落職疑獻夫爲之秋七月上疏列其不法數事詞連霍韜獻夫疏辨帝方眷獻夫遽大獄下獄削其籍吏部尙書王瓊卒命方獻夫掌部事贈瓊太師諡恭襄當正德嘉靖之際瓊與彭澤並有才略相中傷不已而瓊險狡獨不爲公論所予然在兵部時功多其督三邊也人以比楊一清戊辰免南畿被災夏稅八月己卯彗星見東井長尺許後東北行歷天津漸至大餘掃太微垣諸星及角宿大門凡一百十五日始滅戊子敕羣臣修省歷代帝王廟成名曰景德崇聖之殿壬辰親祭嗣後歲遣大臣行禮凡子午卯酉祭於陵寢之歲則停秋祭帝心疑大臣擅政張孚敬因求罷給事中魏良弼引占書言彗星屢見東方君臣爭明彗星出并奸人在側孚敬專橫威福致奸星示異亟宜罷黜孚敬言良弼以濫舉京營官奪俸由臣擬旨挾私報復帝皆報聞給事中秦薺言孚敬妬賢病國強辯飾奸言官論列輒文致其罪擬旨不密引以自歸明示中外若天子權在其掌握帝是薺言令孚敬自陳狀辛丑許之致仕李時請給廩祿敕書不許再請僅得馳傳而已德王祐

榕嘗請齊漢二庶人所遺東昌兗州閒田又請白雲等湖會戶部議王府所請山場湖陂斷自宣德以後者皆還官詔允行山東巡撫都御史邵錫言德府莊田俱在草中與祐榕相計奏錫持之益急儀衛司軍額千七百人逃絕者以餘丁補錫謂非制檄濟南知府楊撫籍諸補充者勿與餉軍校大譁毀府門詔逮問長史楊毅楊孟法戊儀衛副薛寧及軍校陶榮諭王守侯度毋徇羣小滋多事議者謂錫故激致其罪不盡祐榕過云九月戊申帝召見李時等諭以引咎修省之意從容語及乏才時等退條上務安靜惜人才慎刑罰三事頗及大禮大獄廢斥諸臣帝優詔褒答之然卒不能用也丁巳振陝西饑魏良弼復偕同官劾吏部尙書汪鉉帝方向鉉奪良弼俸鉉與張孚敬俱恨之冬十月起嘉賢爲工部尙書毛伯溫張潤汪天啓李珣閣檄以次收錄惟臺諫曹即竟無一人召復者戊寅編修楊名應詔上書言帝喜怒失中用舍不當語切直帝銜之而答旨稱其納忠令無隱甲申名復言吏部諸曹之首尙書百官之表而汪鉉小人之尤也武定侯郭勛奸回險譎太常卿陳道瀛金鑾仁壽鄭璉淫數人者羣情皆曰不當用而陛下用之是聖心之偏於喜也諸臣建言觸忤者心實可原大學士李時以愛惜人才爲請即荷嘉納而吏部不爲題覆臣所謂虛文塞責者豈盡無哉夫此得罪諸臣羣情以爲當宥而陛下不終宥是聖心之偏於怒也真人邵元節猥以末術過蒙采聽嘗令設醮內府且命左右大臣奔走供事遂致不肖之徒有昏夜乞憐出其門下者書之史冊後世其將謂何凡此皆聖心之少有所偏者故臣敢抒其狂愚疏入帝震怒卽執下錦衣衛獄拷訊鉉疏辨謂名乃楊廷和鄉人頃張孚敬去位廷和黨輒思報復故攻及臣臣爲上簡用誠欲一振舉朝廷之法而議者輒病臣操切且內閣大臣率務和同植黨固位故名敢欺肆至此帝深入其言益怒命所司窮詰主使名數殞於死無所承言曾以疏草示同年生編修

程文德乃并文德下獄詔書責主謀者益急兵部侍郎黃宗明言連坐非善政今以一人妄言必究主使廷臣執不懼況名榜掠已極當嚴冬或因弊將爲仁明皇帝大怒謂宗明即其主使並下獄前兩陽州判官黃直言名以直言置詔獄非所以體羣臣宗明以輪教與同罪非所以敬大臣亦下獄法司再擬各罪皆不當上特詔戊戌屠衛直戍雷州衛直信宜縣典史宗明福建右參政羣昌王實劄裁慶邸宮妃薪米取邸中金帛萬計台劄子弄權幼失愛於父逃實劄所實劄造台劄謀逆諸語使寺人誘弄權吟誦圖陷台劄自立懷王妃王氏奏實劄裁減衣食至不能自存豐林王台劄亦欲陷實劄發其積亂人倫諸罪驗實慶爲庶人幽高牆廷議謂台劄父子乖離徙之西安而封弄權世子視府事御史郭子弼言按天文志并居東方其宿爲木今者豈出於并則土木繁興所致也臣聞四川湖廣貴州江西浙江山西及真定諸府之採木者勞苦萬狀應天蘇松常鎮五府方有造輦之役民間耗費不貲害戶逃亡過半而廣東採珠之故激民爲盜致劫會城皆足戾天和干星變請悉停罷則豈沒而前星耀矣戶部尙書許讚等請罷子弼言帝怒曰採珠故事也朕未有嗣以是故耶責讚等附和黜子弼爲民馮恩以天道遠人道邇乃備指大臣邪正而極論張平敬方獻夫汪鋐三人之奸謂平敬剛惡兇險媚嫉反側近都給事中魏良弼已痛言之獻夫外飾謹厚內實詐奸前在吏部私鄉曲報恩費靡所不至昨歲僞以病去陛下遣使徵之禮意懇至彼方倨傲僂蹇入山讀書直俟傳旨別用然後忻然就道夫以吏部尙書別用非入閣而何此獻夫之病所以痊也今又遣掌吏部必將呼引朋類播弄威福不大壞國事不止若鋐則如鬼如蜮不可方物所仇惟忠良所圖惟報復今日奏降某官明日奏調某官非其所憎惡則宰相之所憎惡也臣不意陛下寄鋐以腹心而鋐逞奸務私乃至此極且都察院爲綱紀之首陛下不早易

之以忠厚正直之人萬一御史銜命而出效其銀簿以希稱職爲天下生民害可勝言哉故臣謂爭執根本之弊也鋐腹心之弊也獻夫門庭之弊也三弊不去百官不和庶政不平雖欲再災不可得已帝得疏大怒遂下錦衣獄究主使恩曰受榜掠願死者數語卒不獲惟言御史宋邦輔嘗過南京談及朝政望諸大臣得失遂并逮邦輔下獄寇掠西海過寧夏巡撫都御史楊志學議發兵邀之總兵官周尙文不從勅解職免山東被災稅糧振山西饑十一月甲寅四川巡撫都御史宋德獻白兔羣臣表賀南京右都御史萬體應詔陳八事中人言人邪正相懸而形迹易混其大較有四人主所取於下者曰任怨曰任事曰恭順曰無私而邪臣之志強戾好紛更巧逢迎肆攻訐者其迹似之人士所惡於下者曰避事曰沽名曰朋黨曰矯激而正臣之守成法卽公議體羣情規君失者其迹似之察之不精則邪正倒置而國是亂矣此不可不慎也治天下貴實不貴文今陛下議禮制度考文至明備矣而於理財用人安民講武之道或有缺焉願嚴審察之繁飾略太平之美觀而事從事於實用斯治天下之道得矣至大禮大獄得罪諸臣劄劄已久乞量加寬錄帝大怒斥爲民令吏部劄勿用十二月己亥免鐵內被災稅糧

十二年春正月甲辰朔副都御史王應鵬坐事下錦衣衛獄魏良弼言履端之始不宜以微過繫大臣帝怒并下獄獄卒見良弼曰公又來耶爲垂涕尋復職應鵬閑住丙午河南巡撫都御史吳山獻白鹿羣臣表賀自後諸瑞異表賀以爲常帝復思張平敬方獻夫則獻皇帝於孝宗實爲兄弟第及陛下承獻皇帝之統當奉之於太廟而張平敬穢禮乃別創世廟祀之使不得預昭穆之次是幽之也又謂分祀天地日月於四郊失尊卑大小之序去先師王統撤其型像損其禮樂增啓聖祠皆非聖祖之意請復其初帝得奏大怒責以

毀上不遺下詔獄嚴訊令供主謀。體服妄議希恩實無主使者乃坐妖言律論死繫獄。免浙江河南被災稅糧。二月乙酉振雲南饑致仕尚書孫交卒。吉慶居河套西抵賀蘭山限以黃河不得渡用牛皮爲渾脫渡入山後邊臣有備乃以五萬騎西襲亦不剌卜兒孩兩部大破之卜兒孩爲莊軍邊患久亦即骨土魯番諸蕃皆苦之嘗因屬番帖木哥求貢市朝廷未之許至是唐龍以下兒孩衰敗遠徙西海獲寧請無更議款事吉慶既破西海旋竊入宣府永寧境大掠而去俺答亦自豐州入河套爲患。帝移馮恩刑部獄欲坐以上言大臣德政律致之死尙書王時中等言恩疏毀譽相半非專頌大臣宜減戍帝大怒曰恩非專指李敏三臣徒以大禮故仇君無上死有餘罪時中乃欲欺公竊獄耶遂視時中職奪侍郎開淵俸貶郎中張國維員外郎孫雲極邊雜職而論恩死奪宋邦輔職恩疏詆時中時中顧以寬恩得罪時稱長者邦輔歸躬耕養親妻親操井臼子樵牧歲與田夫會飲醉即作歌相和高風動遠邇士大夫造其門者屏輿從而後入焉。三月丙辰釋奠於先師孔子夏四月張學敏復入閣與汪鉉修前卻以考察後科道官互糾奏上十一人而魏良弼等不與擬旨切責令吏部再考乃別糾二十六人削夏弼籍謫葉洪秦龜縣丞中外大駭時鄭洛書亦被劾落職饒秀爲御史所劾無所泄憤復許洛書及御史浦鉉王重賢張稼段汝礪給事中李鳳來考功郎余允緒等浦鉉等皆坐罷。顧鼎臣請令會子後授五經博士比三氏子孫從之。析廣西宜化縣地置隆安縣。五月西域土魯番天方撒馬兒罕入貢稱王者百餘人夏言論其非張學敏等言西域諸王疑出本國封授或部落自相尊稱先年亦有至三四十人者即據所稱答之若驟議裁革恐人情缺望言與王憲言諸國稱王者弘正間率一人多不過三人至嘉靖二年八年撒馬兒罕至二十七年數已滋多今土魯番十五王天方二十七王撒馬兒罕五十三王

實前此所未有弘治時敕書止稱一王若循撒馬兒罕往歲故事類答王號人與一敕非所以尊中國制外蕃帝納其言國止給一敕且加詰讓是時貢使多黠悍習知中國情巨憾邊吏之侵剝屢訴之禮官却不問中官陳浩嘗鎮甘肅令家奴王洪多索各馬玉石一日番使過洪於途即執詣官以證實其事言等以事關國體須大有處分以服遠人之心乃命三法司錦衣衛及給事中各遣官一人赴甘肅按治洪迄獲罪。四川黑虎五峯番反圍長安諸堡爲都轉餉諸番繼叛松潘副總兵何卿討平之。六月辛巳彗星復見昇畢間張學敏乞避位不許。趙府輔國將軍祐棣招亡命殺人劫奪積十餘年莫敢發巡按御史王儀偕吳山奏之奪爵禁錮甫三月儀出爲蘇州知府祐棣潛入都奏儀摺撫并許都御史毛伯溫以私憾入己罪且言臣嘗建醮祈皇嗣爲知府王天民訕笑請并按問帝心知祐棣罪而悅其建醮語爲遣使覆按解儀伯溫任下天民獄使者奏儀不誣第祐棣罪在赦前宜輕坐帝終憐祐棣愛己復其爵除儀名伯溫聞住山天民誦降終嘉靖世多以誹謗齋醮獲重禍自祐棣許奏始秋七月詔簡六部官爲翰林衆首擬禮部主事王懷中張學敏欲一見辭不赴乃用唐順之等數人吏部侍郎席春欲召還楊維聰陳沂汪鉉不可遂有陳春書之第也。馮恩長子行可年十三伏闕訟冤日夜匍匐長安街見冠蓋者過輒攀輿號呼乞救終無敢言者南京兵部尚書王廷相入爲左都御史以恩所坐未嘗疏請寬之帝不聽比朝審汪鉉主筆東向坐恩獨向闕跪鉉令卒拽之西面恩起立不屈卒呵之恩怒叱卒皆辟鉉曰汝屢上疏欲殺我我今先殺汝恩叱曰聖天子在上汝爲大臣欲以私怨殺言官耶且此何地而對百僚公言之何無忌憚也吾死爲厲鬼擊汝鉉怒曰汝以廉直自負而獄中多受人餽遺何也恩曰患難相卹古之義也豈若汝受金錢鬻官爲耶因歷數其事鉉怒不已鉉益怒推案起欲毆之恩聲益厲廷